

鄱陽縣志

卷十四

人物三

孝友

義俠

隱逸

文苑

流寓

卷十五

人物四

鄱陽縣志

目錄

列女

賢媛
貞女

節婦
烈女

烈婦



孝友

鄱邑陳饒奴以童子而篤孝友唐史稱之他如張吉
三入蜀子規聲裏迓親歸景進兩遭兵豺虎穴中脫
父難抑何履險蹈危垂令名於不朽歟乃若剗股廬
墓推產同居其人其事要亦不可多得均堪取以風
世者也嗚呼昊天罔極泣誦蓼莪兄弟孔懷式賡棠
棣孝子悌弟之良不泯於人心則讀此可以深長思
矣

唐

陳饒奴年十二親併亡寡弱居喪又歲飢或教其分弟妹

鄱陽縣志

卷十四

孝友

可全性命饒奴流涕身丐訴相全養刺史李復異之給
資儲署其門孝友童子

唐書

張讚以孝弟名朝廷旌問賜粟帛州縣存問復租稅

唐書

宋

張吉母方娠其父介客遊西蜀不還吉為兒時常與彭汝
礪同學作詩云應是子規啼不到至今我父未歸家聞
者憐之既長入蜀迎父往返者三其父遂以熙寧十年
二月至自蜀鄉人迎謁歎息汝礪贈以詩略云河可以
竭山可徙我翁不歸行不已三往三復翁歸止翁行方
壯今老矣兒昔未生今壯齒郭公父詩略云父昔離家

子方孕子得其父今壯年胡不歸兮死敢請慰我慈母
心懸懸三往三復又十年孝子執鞭方言還

戴松字桂之弟檜字寬甫父稠婺州人為饒刺史因占籍
鄱陽松中童子科進士官正字檜未仕稠病革謂松曰
爾幸食祿王家念弟幼且貧所有田產宜悉畀之父歿
松以田宅遜弟檜弗受彼此交讓各棲別館事聞有司
命建禮遜坊以旌其義

通志

元

周極鼎生三歲其母擄於兵越十一年聞母在泗州匍匐
以往及至則聞入高麗又三年至高麗求之母已前月

鄱陽縣志

卷十四

孝友

二

死且葬矣極鼎泣訴官始獲負骨以歸饒婦同擄者皆
哭送城外子景伯元末以武功授南安驢田巡檢再調
平川迴龍砦當道使提兵征進屢建殊績後知時不可
為遂拂衣隱

吳樞有孝行嘗天旱井竭親思泉莫得樞對井號泣須臾
湧出清冽馨香人皆以為孝感所致

潘懷字景進元季兵亂懷與弟侍父希古北走明年還值
閩寇再發過於郭璞山下縛希古索金露刃脅之懷爭
前曰吾貧民流離乞食無所有有則金不重於父將軍
必欲逞怒請代父寇試之即引頸弟亦爭代寇憫其孝

併釋之洪武四年懷被薦官湖廣稅課大使子震初善詩

明

鄧文煥洪武初以天下土豪為患徵郡邑械送京師吏繫其父奇途遇文煥謂繫者曰煥土豪也法當繫與父訣曰收吾屍手指長者是臨刑御史覆奏原而釋之類釋者凡七十三人皆歸德文煥弟文貴被薦凡官中百需出自文煥文貴以是得清名嘗大水文煥給粟拯飢不責償

章全字雲渠父正字方大洪武壬申十月全母梁氏遘疾鄱陽縣志

卷十四

孝友

三

醫弗效全齋沐焚香籲天願減已壽以益母剗右服烹粥以膳母母病愈後永樂戊子五月父遘疾復剗左服烹粥膳父父病亦愈人皆難之

詹正字季雅洪武末邑人余世清知慈谿縣薦正為慈谿學官正念親老陳情乞便養得授樂平訓導遭喪廬墓終制如初服闋補沛縣儒學卒於官

劉彥清名曾以字行耕雲六世孫讀書敦義以醫世其家母魏疾藥石不效露香告天剗股和粥以飼疾遂愈會征廣以醫選從行中途渡江墮水適有牛渡攀其尾得濟既歸過彭蠡風浪覆舟人盡溺獨賴舟板以全兩免

大難人以為孝感子孟啟永樂間薦入太醫院

應善字永慶少補郡庠生永樂間以事註誤為吏母喪廬墓三載哀毀如初正統間授山東日照縣丞父喪復廬墓每旦拜哭墓前焚化紙灰飛泊墓木成繭其色白其狀如棗下尖長可寸許人異之有司以其事聞

陳志昂字時顯號澹湖浪隱父必達貢南雍卒志昂年十二躬往扶櫬歸塋歲時致祭哀感動人益謹事母二弟寡弱家有湖弦歲課悉以給之姊適胡氏早寡御歸與母同養以終其年黨族稱焉

葉耕字希尹貌古心慤事親孝舉事間有不經者人以為鄙陽縣志 卷十四 孝友 四 病風然不失為善母沒塋薦福山廬墓三載寒夜風霜砭骨人所不堪父愈清客死於閩耕往取旅櫬歸塋復廬墓三載 以上劉志

史仲偉字古泉性孝義初業儒而貧母羅氏邁危疾齋沐顙天願以身代及歿以衣裾堯土成墳旦夕哭拜墓下忽產瑞芝徑尺人異之以比王哀云行義倉拾遺金百蓋里胥之輸糧者俟其人勿至乃上之邑令毛君孔輝令高其義命鼓吹送歸宅家又獲古藏偉曰天之與我非偶然也邑有院山坑暨檀湖垵皆病涉悉以所獲藏鏹甃石建梁行者至今賴焉歲饑賑穀千石且作糜以

餉行人全活甚衆直指吳公題請冠帶以旌之郡邑學宮傾圮偉捐貲修葺必購椿木為棟梁具當事嘉其誠壽登九十三

府志

朱厚鏞字桂軒天性純厚早失怙事母惟謹省問侍疾必竭誠盡禮治喪不出戶庭衰經號痛雖寢卧弗懈匡廬白鹿洞鏞捐自置都昌庄田二百九十二畝計租四百餘石歲入紫陽倉以佐諸生日廩費文莊鄒守益撰宗藩義田記於白鹿碑石可考云

舊府志

王三顧字為峰二十八都人事親以孝聞凡所能致者必竭蹶以供長兄貧而多子三顧撫同已子不貽父母憂

鄱陽縣志

卷十四

孝友

五

尤樸誠好義族叔良弼卒遺三子俱幼從弟三省卒遺孤甫週三顧力為調護後皆成立又族子道成質美而家貧亦捐貲給之成其學業後登賢書三顧樂志邱園足不入市卒年八十有八幼子尚才孫家昌厥稱孝義後先濟美云

陳塾字子學儒行之可子也侍父疾卧床下者數年及父喪服闋舉明經授新昌訓導遷池州學正擢廣西桂林府別駕居官清直不諧於俗竟坐失米罷歸里居講學不輟江不流先生贊之曰諸生則先志不舍靈龜觀朶願當官則先事不屑瓦全甘玉碎誠有守士也卒年七

十六崇祀鄉賢

王良弼字宗臣一字白石二十八都人伯祖夢祥弘治間
輸粟賑飢建坊弼幼習舉業補弟子員既而厭去之遂
潛心實學父母歿俱廬墓三年巡按徐匾旌曰有志循
理

李岐八都人其家四世未析居至岐以孝聞巡按陳公旌
之曰四世同居友愛承乎先德一門敦孝和順藹於家
庭因得請建坊

徐子揚字述方鳳崗人生有至性七歲時父方洲館於新
義操氏墜樓折體聞之號泣往視湯藥年及九齡鄉先

鄱陽縣志

卷十四

孝友

六

達陳公文衡守藩粵東延方洲課其子子揚不忍父遠
涉多方謝使者父止而復行及父母連喪哀毀遂至喪
明後二十年外目復能視識補邑庠生每以古道訓人
不輟口卒年七十

國朝

江起鱗字還蠡事親曲盡敬養宗族稱其孝尤篤友愛財
產悉以讓伯季明萬歷戊子歲饑族里有不克舉火者
出貲賑貸不責償投券則焚之凡遇貧乏率如此及繼
承父志建梁孔道行者至今頌其德云

府志

蔡登瀛字陸先敦行力學著名於縣庠幼失恃事繼母以

孝聞尤篤友愛分產取其薄者時人比之薛包明癸酉
省試七藝醇雅已入彀擬元因失三場見遺安於義命
絕無怨尤晚年學益精進足跡不履城市士論高之府志
閔繼訓字若伊東隅人父必達以明經任訓導繼訓其幼
子也年甫十三父疾刲股進之而愈邑侯潘公禹謨暨
郡侯黃公琮俱以孝友旌之學諭曹行健著有閔孺子
傳

江德字恒修三十四都人母有疾禱以身代及葬廬於墓
有虎衛於傍兔繞於側里人傳其事聞於太守象陸翟
公大加獎賞給餼贍之會巡方使至廉知其孝亦加優

鄱陽縣志

卷十四

孝友

七

待

黃天壽性至孝不習文藝而自然純篤父母怒嗔賈杖跪
伏膝前領責願解始去父歿值荒歲百計治生以膳母
母病篤割股以療得愈及母歿廬於墓側曉夕悲號虎
猿過之不敢犯饘粥自炊供奉一如母在時邑令鄧公
士傑聞而賢之旌其門曰孺慕天真并志其母墓以表
之邑有孝民曰黃天壽維母墓是廬予釋松楸而來令
乎此予愧焉銘以云旌且示吾民也銘曰番之幽宮
孝子是崇封之馬鬣孝子是宅永錫爾
類兮天所賚也狸魁遠逝兮孝子在也

王元吉崇十三都人家貧未讀書躬耕事父奉繼母不異
所生父疾刲股以進亦古之愚孝與

蔡之萱字子牧蔡家灣人登康熙癸卯賢書甲寅叅將程鳳叛額將軍復饒城委邑廩胡清署縣令事舉人陳其策署通判事府事則委之萱悉心辦理未及題補將軍往取廣信賊復熾母被掠之萱力救得釋而縛之萱以往時有別母諸詩情詞慘惻不忍卒讀及入閩勒受偽職不屈遂同福督范承謨遇害於井樓門外

夏燧東隅人崇禎間鄉飲介賓性孝義年十八割股救母邑令饒震元旌之楚人黃中理客饒中途被劫欲自盡燧憫之贈以六十金使載妻子以歸徽商楊元與徐鳳共宿元失資斧疑鳳竊之鳳急投井燧救之力為貸償

鄱陽縣志

卷十四

孝友

八

里中汪繼和貧不克殮燧為殯并資其母衣米其生平懿行如此

胡正遇幼孤及長家貧無措傭工為養母病醫藥乏資割股以救者三及母喪廬墓六載事聞當事獎賞給資完娶以續其後

王文仲千秋鄉人甫適喪父迄成人痛父早亡不及養極孝事母母三恙三割股兩臂痕如鑿母喪哀毀骨立廬墓六載隣里公舉其孝邑令旌之

以上王志

義俠

匹夫為善於鄉君子多之為其足以振頽風而勵末俗也稽鄱舊志蔡明遠載粟江淮不憚險遠顏公感其義報以手書至今披覽遺帖猶想見其為人厥後敦古誼篤桑梓者或以饑年分哺或以急公捐貲其殆慕明遠之芳踪而興起者歟表而傳之以為好行其德者勸

唐

蔡明遠唐時為本邑校顏魯公絕糧江淮間明遠載米濟之魯公感其意手尺書以贈盛傳於世其辭曰蔡明遠

鄱陽縣志

卷十四

義俠

九

鄱陽人真卿昔刺饒州即嘗趨事及來江右無改厥勤靖言此心有足嘉者一昨緣受替歸北中止金陵闔門百口幾至餬口明遠與夏鎮不遠數千里冒涉江湖連舸而來不愆晷刻竟達命於秦淮之上又隨我於邗溝之東追攀不疲以至邵伯南埭始終之際良有可稱今既已事方旋指期斯復江路悠緬風濤浩然行李之間深聞鄒游與明遠同來欲至採石計其不久亦合及吾於淮泗之間脫若未到見之宜傳此意悉此不了真卿報蔡明遠

明

山景瞻家近縣治生平樂善好施正統五年歲饑景瞻輸粟賑濟全活甚衆有司聞其事於朝詔行人劉文旌其門曰尚義坊至今存

王永年南陽人性仁厚恤勞周急不祈人報景泰七年郡大飢有司募民助賑永年傾儲得穀一千七百石輸官事上予冠帶褒之辭不受太守黃公堅高其義題其廬曰應詔能輸千石粟承恩留得萬年名四世孫道行孝義亦有可風

吳士孔字淑尼立德鄉人少有大志治產不求盈餘輕財好施為鄉鄰謀緩急恒至饗殮弗給而處之泰然里有

鄱陽縣志

卷十四

義俠

十

忿爭者以其公平常就之論曲直解息多方或以杯酒釋之自是終孔之世一鄉無終訟於公庭者丁亥奇荒無厚積所有盡散以救人之困里人感泣輿論高其義兩庠生公舉鄉賓卒年八十三

府志

余諤塔水橋人性好施予嘉靖間歲饑發粟助賑并作粥糜以食行人死者給棺衾葬之計百有四十餘具其族中貧乏者每至除日必厚資焉嘗養一鶴自娛因自號隻鶴翁

計美材字一貞崇十三都人幼讀書勤敏老以明經授州判未及任嘗語人曰吾先世未嘗以私負涉公庭鄉人

聞之多巧為逋負計哭訴於前美材即取券焚之其敦尚厚道如此

鍾國煊字炤臨五十二都人性樸實好施予賑給之外時蓄藥以濟貧病又嘗修岸造舟以利病涉屢舉鄉賓辭不赴太守梁公惕居旌之年八十自誌為樂善小人子琪華亦以尚義著於鄉云

王士誠樂亭村人年百有二矍鑠類少年家訓端方足不履城市知縣王克生額曰百齡國獻從弟士贊好學博古樂善持公年八十卒鄰里為之罷宴

以上舊志

國朝

鄱陽縣志

卷十四

義俠

十一

王伸字引叔號謙齋垂髫補弟子員與伯兄大司成傳並隆文望康熙乙酉舉於鄉授內閣中書天性篤摯時伯兄遠宦京師伸侍奉庭闈承顏養志人無間言又念仲兄艱嗣力為置妾仲兄早歿遂以次子為其後生平慷慨任俠好義樂施凡宗黨有呼將伯因鳩鵲而來者不惜傾囊以濟之性尤好結客花間掃徑日望三益庶幾古人開樽致友之風後謁選赴部卒于京邸

胡鑑字睿藻以國學考授州同志行倜儻和謹端方尤好義樂施值鄱邑興修文廟鑑倡捐千金助成鉅工他如捐脩養濟院賑濟貧乏施櫬木置義塚諸善行實能好

行其德終始不渝者次子浚古處自期克承先志嘗獨捐千金助脩郡學崇聖祠落成之日巡道大叅李公與郡邑守令將上其事於憲府題請議叙浚固辭之先是鑑捐脩縣學監司郡縣欲詳題優叙因鑑懇辭乃止子浚復能慷慨慕義辭榮名而不居可謂世濟其美矣中丞暨諸憲使皆給匾旌之鑑年八十有一卒浚候選州同未任卒

附前明賑饑姓名

樊允亮

曹寬倫

王有年

字蕩祥
建坊

鄱陽縣志

卷十四

義俠

十三

隱逸

易言肥遯詩咏考槃巖穴之士歸潔其身者紀焉鄱
自白石山人以前佚莫可考宋元之季文德懷瑾託
跡鴻飛迨有釋戎衣以勇退却微車而長往抗志浮
雲均之高尚豈復借終南為捷徑來北山之移文耶
夫逃名者名歸徒浮慕焉即自附巢由是亦充隱未
可與諸君子同堂語矣 劉志

宋

姜夔字堯章好學無所不通嘗請於朝欲正頌臺樂律以
議不合罷去往來吳越玉笥銀峰間客遇苕溪與白石

鄱陽縣志

卷十四

隱逸

十二

洞天為隣潘轉庵號之曰白石道人所著有續書譜絳
帖評大樂議琴瑟考鏡歌等書鄱陽姜氏太守地祭酒
金和之始祖也

元

史可甦

原名公謙
字文德

生而篤學晚托醫隱元辟為郡學錄以

先世食宋祿義不忘宋不就有淵明遺風始居餘干棠
棣橋晚遷番城之西博涉群書無所不貫因旁通醫理
邑人德之為榜堂曰更生遂隱其原名合更生字以可
甦稱章起鳳贊曰術能造乎精微志不厭乎澹素秉濟
利之仁心致時人之景慕蓋抱道自晦寓意於術以神

其用易稱潛德非其選與

明

楊煥文讀書尚氣節元末兵亂煥文倡義旅保里閭民賴以安歸附初鄉有劇寇馬某輩匿山谷剽掠為害有司捕之不得下令懸重賞以待獲者煥文密緝其踪募勇敢數人入巢穴縛之械送有司上功幕府給賞卻不受議錄其勞官之又辭曰為民除害爾豈希利祿耶拂衣歸與徐宗周諸公講究河洛之書以耕釣終焉同時劉翰字斯幹能文多勇力至正末隨叔彥昂聚義兵及癸巳城陷挈家走信衢間復隨彥昂屬于光假以官辭不

鄱陽縣志

卷十四

隱逸

十四

受尋負母櫬還塋歸附後德興殘寇竊發衆推翰往勸生擒丑人等議功賚之力辭還家優游田里卒年七十七嘗徵彥昂預銘其墓曰早經艱險晚際清平進退自適無忝所生

朱基字原立潛心篤學登鄉舉未幾以元末兵亂遂不仕甘心林壑竟以隱終劉彥昂作百哀詩及之先時周希茂歷官大中大夫寶慶路總管與茶陵劉三吾使閩相友善後以兵亂棄官還歸附後不復仕進及三吾為學士以詩招之不就年八十餘郡人舉鄉飲亦不赴美髯髯有才譽別號草窠

曹福字如海性剛毅博覽群書通數學尤熟於史與人談
亶亶忘倦如親歷當時者永樂初朝廷行郡邑蒐羅往
事衆推福福亦不辭慨然言之凡在元末明初饒六邑
間叛亂歸附捍禦等事及月日歷歷無差衆皆服其強
識事親孝與友信竟以隱名年八十五
王景頴別號槐屋永樂間邵武府知府匡憲致書幣遣庠
士李觀聘為學職以母老辭索居田里不求仕進終其
身焉

閔彥忠名恂以字顯東隅人飭行教家里人化之累薦不
起著有芸軒集所賦東湖十景詩曲盡其妙子克貞有

鄱陽縣志

卷十四

隱逸

十五

父風永樂間監察御史陶老薦之辭不赴

章孟宣少孤苦志力學永樂間邑令曾寶舉經明行修辭
以母老匡邵武復遣李觀來鄱聘孟宣為學職辭不赴
聚徒教授杜門不出幾四十年門人稱為藏拙先生李
時勉贊曰我用其拙而巧藏焉我藏其拙而巧忘焉彼
用其智為巧之過實拙之媒以賈其禍君子之守不務
其名嗚呼先生百世儀型子鳳應字汝鳴宣德間舉賢
良官常山知縣纂鄱陽景泰志藁二十卷

姜之浩字可孟大司成金和長子襟懷蕭散不以世務櫻
懷家世以詩書顯所藏多異帙之浩博覽強記早負時

名先世有別墅在贛洲洪氏盤洲野處舊蹟也構樓數
楹可望匡山於鄱湖之外顏曰匡主聚法書名畫日倘
徉其中詩酒而外都不與外事相関嘗自題柱曰水無
待尋山無待買酒無待沽客無待拉興無待遣陶然自
得有厥祖白石山人之風焉兼工書法興到揮灑為名
輩所重萬歷己酉鄱志之浩手書也壽八十卒著述多
散軼惟二難詩略一冊尚存

以上舊志

國朝

史白字堅又乘古第五子幼有大志年十八時值戊子難
母姜以殉節死絕意進取服古衣冠或強以應試髡髮

鄱陽縣志

卷十四

隱逸

十六

以絕之杜門著述惟與二三遺民為道義交甲寅避地
孟隴雖在患難與人言必依孝慈深為里人所愛敬旋
築室城西之青湖深契程子且靜坐語用以顏堂悉究
先儒異同醇疵之故雖名物象數必思其實裨於用十
數年不一至城市經年不一出戶鄉鄰感化雖三尺皆
以先生稱至有質問則徑造庭除又共忘為有道也平
生無疾言遽色而剛介之氣自謂育不能奪有規以
委施避害者笑曰是非千載之公也吾所信者義命耳
耿吳作逆一見其檄即曰此必無成人服其先見於書
無所不窺所著詩文有漢水集荒遜齋詩十三種皆沉

雄幽鬱而浩氣精理言咸有物晚年讀書多掩卷靜思
日不過數條卒年七十七第三子大壯字止公十齡為
兵掠去猶不廢業越十年始歸從伯父理習舉業俄而
悉棄去籜冠廣衷潛心力學坐臥一小樓歷寒暑不輟
者三年學遂大進又師毛惕於匡山歸乃授徒里中喜
怒不形而人自畏服人或負終無所憾雖毀譽狎至
亦無矜容愠色性喜吟咏出之若不經意而古澹秀傑
之氣浮動墨表文特古瘦類晞髮子觀書必逐字細味
多一過即記或有欲傲以所不知者天經史注隨問隨
答乃大駭服又精弧矢技擊絕口不言不事家人生產

所得先世田廬悉以佐季第篝火猶時急人之急已雖
樵蘓不繼處之泰然所著有周禮疑誤辯大禮圖說錢
翁存稿嫌劍吟詩稿小潛詩餘

文苑

川嶽秀靈之氣鍾毓人才其中雖潛見不同而卓然表著於藝林者其偉抱宏猷清風峻節固炳若日星不可磨滅豈僅挾藻摘華專尚詞章之學於其地為無足重輕者哉鄱有鄒魯遺風喜儒不鄙唐以前世遠難稽洎乎宋元以後英才輩出如芳洲松巢諸公或以文章壽世或以詩賦名家會金石而潤風雲悉皆自成一派言迄今展讀遺編猶可想見其為人也登諸文苑堪令芝峰蠡水生色矣

唐

鄱陽縣志

卷十四

文苑

十八

吉中孚大歷間進士官至戶部尚書與盧綸韓翃錢起司空曙荀發崔峒耿湜夏侯審李端皆以能詩齊名號大歷十才子

陳陶字嵩伯武宣間自稱三教布衣好遊學善天文長於雅頌有文錄十卷嚴宇牧豫章陶隱西山操行清潔宇欲撓之遺小妓蓮花往侍陶殊不采妓乃獻書求去曰蓮花為號玉為腮珍重尚書遣妾來處士不生巫峽夢虛勞神女下陽臺

宋

董聲應德祐間進所纂諸史纂約兵鑑刑鑑等書克史館

編校文字

章甫字冠之夙負才譽善詩後居吳下自號轉菴作易足堂撰易足居士自鳴集十五卷韓無咎為之記

余永弼博通經史為文援筆立就自成一家風格

黎廷瑞字祥仲登寶佑四年進士後仕元為學官博學善詩與梁必大湯景文吳得昭吳仲退李思宣周南翁為友時登山臨流賡唱相娛所著芳洲稿散逸僅有傳者史文令編刻行世

徐瑞字山玉祖人元平黃巢亂開藩於饒後遂為鵲湖望族瑞工詩與月灣芳洲里閻密邇書筒互致輒申山中

鄱陽縣志

卷十四

文苑

十九

之約嘗作自省詩蓋傷宋之亡於帝昷也延祐中以經明行修推為本邑書院山長後歸巢居松下每有所賦逐年筆記之因號松巢以名其稿卒年七十一月灣曰善人已矣空留千百年番水之名後世知之當在數十卷松巢之稿其見重於時如此姪孜字仲予號仰山以明經冠於鄉授浮梁教授亦善詩有集劉莘序之月灣後人吳南壽為賦其詩有遼海無踪歸老鶴雪泥留迹憶飛鴻之句能紹聞家學因類及之

元

徐芳谷字明善至元間任江西儒學提舉嘗奉使安南世

子陳日炫於席間索詩遂口占云乘傳入南中雲章照
海紅天邊龍虎氣徼外馬牛風日月八荒燭車書萬里
同丹青入王會茅土胙無窮日炫遂納款奉貢歷聘江
湖湖廣三省考試拔黃縉鄉於落卷中其時先後有周
伯顏徐天麟工古詩蔡儒實工絕句朱友問工詞章徐
省翁吳旭工唐律並以才著

黃季倫號淳齋自少窮墳典有才識任元學博未幾至正
兵亂解組歸明洪武初詔修史所著有詩文數卷

明

劉仔肩字汝弼少從樂邑操琬學洪武三年薦召至京即

鄱陽縣志

卷十四

文苑

二十

集都人士詩為雅頌正音而以已作附入草昧之初風
雅頌以不墜

王鑿字有成幼穎敏博學善文洪武三年以明經授本邑
教諭時學校初興鑿以斯文為已任勤於訓迪秩滿薦
擢翰林修撰備顧問奏對稱旨力丐外補改授南陽知
縣以疾卒鑿出入經史百氏著群英雜言及編緝詩粹
若干卷

王琛字廷實邃於易肆力問學雖遭時亂不廢知府陶安
同知金聲經歷周慎皆一時高士雅善琛嘗論文曰文
以氣為祖順理成章之謂若雕鐫剪削我則不暇洪武

九年辟為邑庠訓導後舉應明經科引疾辭強起之詣京復力辭尋卒著有順成集

魏政字居敬別號堯山雪牧能詩文洪武中以良家子授句容尉踰年免歸開塾聚徒講授自給永樂三年邑令曾寶以工楷書薦起後奉使交趾卒

朱智字存禮別號夢草博學多才工古文詩歌洪武間辟為郡掾後薦授靖江王府紀善宣德六年以老致仕少傅楊東里贈以詩有卿才卓犖不可羈雄辭健筆皆如飛之句尤善真行得晉人書法著有烹雪稿

舒子真攻易學洪武間舉明經授涇縣主簿歷二任歸橐都陽縣志
卷十四
文苑
二十一
蕭然教授自給德性和緩與物無忤文思泉湧號才子所著有芝山集

黃晟字景昂善吟嘗遊廣陵有詩中二聯曰雲連廢堞秋鳴隼霜隕殘楊暮集鴉畫鷁有誰牽錦纜瑤臺無處覓瓊花頗盡傷古之意著有稼軒集

邱霽字時雍天順丁丑進士歷官蘇州知府幼穎悟能詩文工懷素草法負才子名著草堂集

俞璠字潤夫善詩文閩中莊泉評其文頓挫布置若柳子厚樊宗師詩類郊島其理到語不減山谷后山曾達而茂者出入簡齋所著有楓落稿惜不傳

李榕字全年好蓄書罷同安教諭歸構一樓宅後俯瞰東湖扁曰玩鷗自題其柱云近湖不與鷗爭水到岸方知我有家徜徉其間讀書澆花老而不倦卒年九十四著有花月儂鄉記

歐陽杲字景初弱冠舉嘉靖辛卯鄉薦第一才名藉甚十上春官未仕卒平生嗜書無他好專涉經史過目不忘撰作多獨得之見有瘞藏諸集惜泯爛不傳

姜金和字節之號晉齋文詞博雅登嘉靖庚戌進士廷試第三授翰林編修陞修撰時分宜秉政鄉人競趨之金和在史局淡如也歷官春坊諭德南掌院南國學大司

鄱陽縣志

卷十四

文苑

二十一

成會疾作予告卒於家

以上劉志

史稽古字心堯幼喜讀書工古文詞萬歷間選貢授華亭丞陞陽山令陽山故昌黎之桐鄉也齋有兩松相傳韓公手植稽古至為之剪荒理穢每政餘即吟詠其下或操筆為文不作猶人語著有澹蕩文集

府志

江南錦字列明天啟丁卯鄉薦主試倪元璐獨賞其奇以足疾不能上春官絕意進取專肆力於古文詞著書多散逸梓以行者僅猗嶠書屋文集廉棡為之序

廬志

姜之泗字可孔大司成金和次子性警敏少補弟子員博學嗜古士林推之萬歷已酉借劉司空廉安鄉呂吉人

纂修邑志多所考核晚年例當歲薦辭不赴杜門著述
耽志圖史卒年七十八子荃林崇禎丁丑進士

史簡字文令永平郡丞乘古第三子幼負大志湛深經術
崇禎己卯舉於鄉時年甫弱冠兩上春官不第遂絕意
進取杜門著述以次選上饒教諭辭不赴性剛毅事有
不便於鄉閭者能言人所不敢言雖貴要不避焉藏書
最富博覽兼綜丹黃不輟手輯鄱陽五先生集梓以行
世所著有書經旨要六卷越芝堂日記二卷古文若干
卷排宕頓折得龍門神味又輯有芝郡文獻及歐堯峯
姜夢晉遺詩數帙皆付梓而後歿鄉先達文章風節不
泯於今則簡表章蒐討之力為多云

鄱陽縣志

卷十四

文苑

二十三

國朝

王言綸字絲如號朴齋西隅人愍忠公址四世孫孝義慶
雲子也自少天資穎異讀古論世具有卓識性好藏書
邑中縹緲之富罕有過之者順治辛卯舉于鄉乙未會
試落副車例選推官言綸辭不就後竟公車屢躓司鐸
豐城遷廣信教授嗜學彌篤至老不懈康熙癸亥纂修
郡乘克持公論曾有暮挾重賂囑托錄志者言綸怒而
抵於地其正直不阿類如此生平手輯十三經源流二
卷禮經大義十七卷史學會編十九卷質疑畧二卷又

著漕運瑣錄一卷卒年六十有五子之璜邑增生將以遺集投梓志未成而歿今俱藏於家

程作舟字仙槎號希菴永平閔人少從父壘避地江村下帷猗嶠書屋授以經史寓目不忘為制義華實並茂兼工詩古文詞弱冠餼于庠登康熙壬子賢書十上春官兩薦未第後任直隸長垣令簿書餘暇每進諸生講學疊疊不倦邑有先賢四子言志處地名學堂岡作舟慨然捐俸購地數頃以為春秋祭祀之費又嘗奉修永定河七十里功竣奏最將及優叙而作舟素性恬退無意仕進遂解組歸里構別業于東湖之濱杜門謝客日以

鄱陽縣志

卷十四

文苑

二十四

翰墨自娛卒年七十有七所著有刪後詩焚後書藏書五種閒書十五種長子達歲貢編叙授梓行世其未刻者則有歸田錄詩說龜書元契等集

程建章字漢宮號鈍谷永平閔人幼孤家貧受業于鄉前輩戴小言先生苦志力學博極羣書尤工於詩年十四補弟子員聲名籍甚居常以名節自勵謙和端謹文行均足為士林楷模康熙壬子魁于鄉與叔作舟同榜初任都昌教諭轉撫州教授歷任二十七載所過名山勝蹟觸景抒懷托諸吟咏其聲調格律直追三唐秩滿遷陝西三水知縣以老疾辭年七十五而卒著有萍莊集

二卷湖上草堂集二卷石壁山房稿四卷滌硯齋四卷
蛙吹詞二卷律陶雜詩浪遊草履菰草共五卷子森丁
卯副貢亦以能詩名

徐人元字資伯號魏峯鳳岡人明經中烈長子也幼承家
學與弟人猷人芳互相切劘閉閣攻苦足不出戶者數
年博極羣書自經史以逮諸子百家無不該洽淹貫制
藝沉雄刻摯有金陳風力詩才敏捷每有吟咏自出機
杼卓然成一家言嘗和岳武穆龍潭寺原韵百餘首悲
壯淋漓膾炙人口康熙甲子舉于鄉授山東昌樂令歷
六載有能聲懸車歸里猶講學不輟郡中工詩能文如

鄆陽縣志

卷十四

文苑

二十五

程嵩閔齊諸人皆出其門下鄆邑風雅之傳實賴以不
墜生平著作等身今頗散佚所刻燕遊草一帙程希菴
為之序

史虞字孝升嗜古力學以選貢任東鄉教諭課士嚴肅及
陞南昌教授益勵清操毅然以師道自任方伯閔中王
公深加倚重所著日省錄多經虞論定錄中并列虞說
八條中丞某至諭方面以下匍匐途迎虞獨長揖中丞
領之同官皆為虞危以翌日請學跪迎為勸虞曰師儒
之職義無泥首此憲綱也惜一已而壞學校之體可乎
卒不應嗣以異等陞山東蒲台知縣卒于任貧不能歸

南昌門人之在位者解囊歸其喪所著長嘯齋詩文及續安溪易彖諸書皆于任所散佚

周道興字自西號璞菴西隅人少孤與兄孝廉道復皆師承其祖迪吉庭訓而成就者道興天資警敏才思清越為諸生時試輒冠軍前後學使者高渭師何涵齋王誨存三先生皆以偉器目之其為詩古文詞曲折排奐奇氣縱橫大有韓潮蘇海之觀中丞馮公如龍選入豫章書院肄業復受知于山長熊漁濱先生自此聲望益隆癸酉薦元丙子薦魁俱以數奇未遇其激昂忼慨之氣每托咏歌以見志為人嚴峻峭直每言人所不能言并

鄱陽縣志

卷十四

文苑

二十六

能言人所不敢言家居事母至孝撫兄子如己子尤足徵其大節焉晚膺歲薦授教職未及任而卒所著有璞菴遺集二卷

史詢字次謀號偶齋西隅人性剛介不隨流俗攻苦下帷精於經學旁通子史諸籍文品雅正力追先民康熙戊寅受知督學王誨存先生膺選貢投教職乙酉初設五經房考趙公以詢卷薦榜首得而復失揭曉後臨川李穆堂先生時亦落解見詢遺卷深嘆服之遂與為文字交屢困秋闈壯心不已年七旬外猶應試闈中七藝援筆立就興會豪舉視儕輩蔑如也至老好學不倦寄情

吟咏而外輒拈制藝以為後進式每談經學必根極聖賢立言之旨而發揮其所自得以故門下士多所騰達年八十四卒著有四書聚精讀史隨筆山居偶草傳習錄一家錄等集長子弘譽克紹家學登雍正癸卯賢書著有千秋閏鑑錄四卷

流寓

借材異地非名區所宜有也然賢人韵士杖屨所經山川生色峰改黃龍郭璞峯舊名黃龍峯軒標望戴且有慕淳俗以來遊樂安枝而借樹者流風固奕奕哉至蘇季明顧子敦輩皆以直道不容竄逐於郡一時下石者豈不視此邦為有北之墟而冀其不受歟抑知此邦之指數遺踪欣喜樂道里今猶未著也志中登此不獨以廣人文抑亦可觀世變矣

晉

郭璞字景純河東聞喜人少受郭公青囊書九卷遂洞五

都陽縣志

卷十四

流寓

二十八

行天文卜筮之術元帝時為著作佐郎王敦謀逆被誅時年四十九追贈弘農太守嘗寓都陽縣東一百十里有郭璞山謾有洞林京費諸家要最新林卜韻注釋爾雅三蒼方言穆天子傳山海經等書

唐

歐陽詢字信本潭州人隋太常博士唐歷太子率更令弘文館學士封渤海男穎悟絕人博貫經史做王羲之書道勁過之其帖云年二十餘至都陽喜其地沃土平眾士往往棲聚僑寓甚久

戴叔倫字幼公潤州人官至容管經畧使史紀其治精明

仁恕多方畧故所至稱最後寓饒之東湖刺史馬戴愛其詩築隄湖上時訪之宅址即今為薦福寺

盧綸字允言河中蒲人避天寶亂客鄱陽與吉中孚輩號大歷十才子

宋

顧臨字子敦會稽人通經學長於訓詁皇祐中舉說書科為國子監直講遷館閣校勘同知禮院熙寧初神宗以臨喜論兵詔編武經要畧出權湖南轉運判官提舉常平議事戾執政意罷歸元祐二年擢給事中拜天章閣待制河北都轉運使歷刑兵吏三部侍郎兼侍讀為翰

鄱陽縣志

卷十四

流寓

二十九

林學士紹聖初以龍圖閣學士知定州徙應天河南府忌者誣以他事斥饒州居住卒

宋史

蘇昞字季明武功人素性純茂強學篤志從張載學最久後見二程復師事以卒業元祐末呂大中以布衣薦為太常博士元符中坐上書言事入邪黨竄于鄱陽過洛尹和靖館之伊川訪焉既行伊川謂季明不以遷謫為意和靖曰然也焯嘗問季明當初上書為國家耶為身計耶若為國家計自當忻然赴饒州若為進取計則饒州之貶猶為輕與季明以焯言為然先生曰名言名言

朱子遺書

鄭戩其先大梁人父肇戶部侍郎從高宗南渡徙居金陵
戩官饒州通判遂家焉明江淮幕府叅贊倫號環谷野
人者戩七世孫也 天台林右集

程迥字可久金陵人隆興進士歷泰興簿德興丞進賢上
饒尹得祠寓鄱陽蕭寺自幼與前輩名公交遊多所見
聞故其言論有據以古學自任人多宗之稱沙隨先生
屈德字德生咸陽人父栗字希平徽宗重和元年以八行
補太學上舍既釋褐為孔目尋遷饒州通判建炎以來
所在盜起紹興初李成張用叛張俊為江淮路招討使
帥兵討之栗預焉成等敗走張上栗功擢江東宣撫副

鄱陽縣志

卷十四

流寓

三十

使兼知饒信卒謚忠穆勅塋郡城之東土名格勒橋德
廬於墓側構風木亭以寓孝思是時中土擾攘不能歸
遂家焉子二長益傑開化丞次承傑舉進士袁州判官
趙礪老字渭師東平人從范石湖使金虞丞相亦薦之擢
同知臨安坐殿司招兵事謫饒州遂家焉歷官工部侍
郎撰拙菴雜著三十卷外集四卷

洪适字景伯樂平人忠宣公皓之長子紹興壬戌中博學
宏詞科除秘書省正字出知荊州軍遷戶部郎中權太
常少卿方羽檄交馳書詔填委適當內外制甚契上心
轉翰林學士簽書樞密院事乾道元年拜尚書右僕射

同平章事再三乞去得歸卜居郡城外西北名曰盤洲
菴菴左右為齋曰容膝曰聚螢後亭曰花信自是泉石
之樂一十六年卒謚文惠所著盤洲集隸釋唐宋登科
記舊志

洪邁字景廬迺第官至翰林學士後與迺請歸孝宗賜邁
御書野處二字邁即城西蟪洲創廬以扁之後樓曰楚
望卒謚文敏所著野處類稿南史精語隸纂隸釋隸韻
容齋隨筆續筆夷堅志舊志

江萬里字子遠號古心少神雋有鋒穎連舉於鄉入太學
有文聲理宗在潛邸嘗書其姓名几研間以舍選出身

鄱陽縣志

卷十四

流寓

三十一

歷池州教授沿江制置司兩浙安撫司幹辦公事召試
館職遷著作佐郎兼樞密院檢詳文字知吉州創白鷺
洲書院召為屯田郎官未行遷直祕閣江西轉運判官
權知隆興府創宗濂書院久之以駕部郎官召遷尚書
兼侍講史嵩之罷相拜監察御史遷殿中侍御史萬里
器望清峻論議風采傾動一時帝眷注尤厚嘗乞祠省
母疾不許屬弟萬頃奉母歸南康旋以母病聞萬里不
俟報馳歸至祁門得訃而議者謂萬里母死祕不奔喪
反挾妾媵自隨於是側目萬里者相與騰謗萬里無以
自解坐是閒廢者十有二年後陸德輿嘗辨其非辜於

帝前賈似道為京湖宣撫大使以萬里帶行寶章閣待制為叅謀官元兵圍鄂似道以右丞兼樞密使移軍漢陽萬里遷刑部侍郎似道入相萬里兼國子祭酒侍讀入對遷權吏部尚書同簽書樞密院事隨以言者去官後以原職權福建轉運使度宗即位召遷叅知政事萬里始雖為似道用然性峭直臨事不能無言故每入不能久在位帝在講筵每問經史疑義及古人姓名似道不能對萬里常從旁代對似道怒謀逐之萬里四乞祠不候報出闕後二年知太平州兼江東轉運使召拜叅知政事進封南康郡公既至拜左丞相乞祠加觀文殿

大學士提舉洞霄宮尋予祠時年七十有六矣明年元兵渡江萬里隱草野為遊騎所執大詬欲自戕既而脫歸先是萬里聞襄樊失守鑿池芝山後園扁其亭曰止水人莫喻其意及聞警執門人陳偉噐手曰大勢不可支余雖不在位當與國為存亡及饒州城破竟赴止水死左右及子鎬相繼投沼中積尸如疊事聞贈太傅益國公加贈太師謚文忠

江萬頃字子玉號古崖萬里弟歷守大郡所至以循廉稱知南劍州內寬外明政教備舉以興學為第一義嘗增置學田以助廩餼家居元兵至境妻置私第冒險難自

都昌赴饒州兄所偕子鐸俱被執罵賊而死

明

朱鈺字士鈺

春雨軒集作士止當從

建安宋徽國公七世孫讀書好

吟有聲儒林洪武初鄱人江春以武功拜汀州衛指揮同知納鈺為贅壻踰年春卒春妻下邳郡夫人虞偕鈺扶春柩歸塋鄱而鈺遂占籍焉後舉人材任廣東始興知縣子清工詞翰永樂間舉賢才任曲江知縣台州府通判

吳璋字廷用蘇州吳江人年十一喪父依母陸氏以居永樂間詔選天下節婦之賢者籍送內宮教刺繡陸以年

鄱陽縣志

卷十四

流寓

三十三

例當行宣德間靖王出之封國韶州後改饒州陸皆從璋棄家往來二藩間屢啟求見不允母子不相知者二十五年璋哀痛誓必見母正統十二年冒死求見嗣封康王憐而許之入見母而母已病篤不能言矣璋徬徨無計焚香籲天剖股作糜母啖之遂醒母子抱持以泣王聞而益閔焉召賜金帛獎諭而遣之璋遂奉母去饒卒於路匍匐扶櫬歸塋先墓一時士大夫哀其志作吳孝子傳

葉綬字叔章上虞人永樂九年綬祖砥知饒州府十二年綬補郡學弟子員中江西鄉試砥終於任綬遂占籍鄱

陽授應州學正授儀觀清癯學問該博尤善古篆弟緯
緯子冕登正統十年進士歷官松江知府

周正字子建其先吉水人天順間以東寧衛籍中山東鄉
試登丁丑進士歷官雲南左布政使道經鄱見山水之
勝遂卜居焉正好古博學善吟詠與邱霽嚴彪為詩會
所著有拙逸稿梅花百詠集

以上
劉志

潘一諤字諤諤別號茹虛福建惠安人萬歷辛卯鄉薦歷
知州縣轉淮藩審理尋遷右長史勤學好問即居宅為
講學之所名里仁社日從郡中諸理學遊淮王涵玉創
菁莪書院以延禮士大夫實自諤導之生平歷九省唯

鄱陽縣志

卷十四

流寓

三十四

持親師取友四字覺所得恒多寓饒二十餘年卒於官
年七十二著有日錄講義

盧志

國朝

王一翥字子雲黃岡人崇禎庚午舉於鄉鼎革後隱居不
仕避地匡山三來鄱積數歲為人剛直而多跌宕豪放
之致詩文肖焉在南康時著有智林村稿黃仲霖澍所
序而刊也妻樊及子封帶皆死寇難澍為作大節記紀
其事

陳重莘字尹如上元人傳為仲醇嫡孫父宦豫章卒塋芝
山重莘不忍棄父墓遂留鄱子然一身無他嗜好工畫

水仙因以水仙呼之為詩真率有致其自遣一篇云老
來性癖人憎我貧裏愁多我厭人日暮釣竿何處著清
風明月獨絲綸意興可想又嘗填詞四種雖不逮古而
意主規勸年七十餘卒于鄱所厚友塋之嶽廟山麓